



服部文庫
117
85
6



117
85
6

西陽雜俎續集卷第五

寺塔記上

武宗癸亥三年夏予與張君希復善繼同官秘書

鄭君符夢復連職仙署會暇日遊大興善寺因

開兩京新記及遊日記多所遺略乃約一旬尋

兩街寺以街東興善為首二記所不具則別錄

之遊及慈恩初知官將併寺僧眾草草乃泛問

一二上人及記塔下画跡遊於此遂絕後三年

予職于京洛及刺安成至大中七年歸京在外

六甲子所留書籍揃壞居半于故簡中覩與二
亡友遊寺瀝血淚交當時造適樂事邈不可追
復方刊整纜足續穿蠹然十亡五六矣次成兩
卷傳諸釋子東牟人段成式字柯古

清善坊大興善寺寺取大興兩字坊名一字爲名
新記云優填像總章初爲火所燒據梁時西域
優填在荊州言隋自臺城移來此寺非也今又
有楠檀像開目其工頗拙尤差謬矣○不空三

藏塔前多老松歲旱則官伐其枝爲龍骨以祈
雨蓋三藏役龍意其樹必有靈也○行香院堂
後壁上元和中画人梁洽画雙松稍脫俗格曼
殊堂工塑極精妙外壁有泥金幘不空自西域
賈來者○髮塔有隋朝舍利塔下有記云爰在
宮中興居之所舍利感應前後非一時仁壽元
年十二月八日○楠檀像堂中有時非時經界
朱寫之盛以漆龕僧云隋朝舊物○寺後先有
曲池不空臨終時忽時涸竭至惟寬禪師止住
因潦通泉白蓮藻自生今復成陸矣○東廊之

南素和尚院庭有青桐四株素之手植元和中
卿相多遊此院桐至夏有汗汚人衣如輶脂不
可浣昭國東門鄭相嘗與丞郎數人避暑惡其
汗謂素曰弟子爲和尚伐此樹各植一松也及
暮素戲視樹曰我種汝二十餘年汝以汗爲人
所惡來歲若復有汗我必薪之自是無汗寶曆
末予見說已十五餘年無汗矣素公不出院轉
法華經三萬七千部夜嘗有貉子聽經齋時鳥
鵲就掌取食長慶初庭前牡丹一朵合歡有僧
玄幽題此院詩警句曰三萬蓮經三十春半生
不踏院門塵今有梵僧憍陳如難施以粉畫壇
性狷急我慢未甚通中華經○左顧蛤像舊傳
云隋帝嗜蛤所食必兼蛤味數逾數千萬矣忽
有一蛤椎擊如舊帝異之寘諸几上一夜有光
及明肉自脫中有一佛二菩薩像帝悲悔誓不
食蛤非陳宣帝○于闐玉像高一尺七寸闊寸
餘一佛四菩薩一飛仙一段玉成截肪無玷膩
彩若滴○天王閣長慶中造本在春明門內與

南內連牆其形大為天下之最太和二年勅移
就此寺拆時腹中得布五百端漆數十笥今部
落鬼神形像隳壞唯天王不損

辭二十字連句 兼晴入精舍語默想東林盡是

忘機侶誰驚息影禽善繼有松堪繫馬遇鉢更

投針記得湯師句高禪助朗吟柯古一雨微塵

盡支郎許數過方同嗅薜蔔不用算多羅夢復

○蛤像二十字連句 雖因雀變化不逐月虧

盈縱有天中匠神工詎可成柯古相好全如梵

端倪祇為隋寧同蚌頑惡但與鷓相持善繼○

聖柱連句 上有鐵索跡 天心助興善聖跡此

開陽柯古 載想雷輪重組疑電索長善繼 上衝

扶蟠螭不動束銀鐺柯古 飢鳥未曾啄乖龍寧

敢藏善繼

語各徵象事 須切不得引俗書 一寶之數無鈎

不可鼎上人 唯猊可伏非馳所堪柯古 坑中無底

跡中無勝文上人 與馬同渡負猿而行善繼 色青

力劣名香幾重夢復 尾旣出牖身可取興約上人

六牙生花七支拄地

柯古

形如珂雪力絕羈瑣

善繼

園開脅上河出鼻中

柯古

一醉難調六對

曾勝

日高上人

長樂坊安國寺○紅樓睿宗在藩時舞榭○東禪

院亦曰木塔院院門北西廊五壁吳道玄弟子

釋思道画釋梵八部不施彩色尚有典刑○禪

師法空影堂世號吉州空者久養一騾將終鳴

走而死有弟子允嵩患風常於空室埋一柱

鑱之僧難輒愈○佛殿開元初玄宗拆寢室施

之當陽彌勒像法空自光明寺以來未建都時

此像在村蘭若中往往放光因號光明寺寺在

懷遠坊後為延火所燒唯像獨存法空初移像

時索大如虎口數十牛曳之索斷不動法空執

爐依法作禮九拜涕泣發誓像身忽曝曝有聲

迸分竟地為數十段不終日移至寺焉○利涉

塑堂元和中取其處為聖容院遷像廡下上忽

夢一僧形容奇偉訴曰暴露數日豈聖君意耶

及明駕幸驗問如夢即令移就堂中側施帷帳

安之

光明寺中鬼子母及文惠太子塑像舉止態度如

生工名李岫○山庭院古木崇阜幽若山谷當

時輦土營之○上座璘公院有穗柏一株衢柯

偃覆下坐十餘人

辭紅樓連句隱侯體 重疊碎晴空餘霞更助紅

蟾蹤近鳩鵲鳥道接相風 善繼 苔靜金輪路雲

輕白口宮 元和帝 壁詩傳謝客 詞人陳至題

井尚寒龍跡在紅 樓初啓日光通 門榜占休公 廣宣上人住此院有詩各號為

紅樓集 ○柯古 穗柏連句 一院暑難侵莓苔可影

深標枝爭息鳥餘吹正開衿 柯古 宿雨香添色

殘陽石在陰乘閑動詩思助靜入禪心 善繼 ○

題璘公院 一言至七言 靜虛熱際安居 夢復

龕燈歛印香除東林賓客西澗圖書檐外垂青

豆經中發白蕖縱辯宗因袞袞忘言理事如如

柯古 泉臺定將入流否隣笛足疑清梵餘 柯古 新續

語徵釋門中僻事 須 麋字 莎燈 華綿 象

薦 人 集鬘地効殿林 柯古夜 續不竟

常樂坊趙景公寺隋開皇三年置本曰弘善寺十
 八年改焉南中三門裏東壁上吳道玄白畫地
 獄變筆力勁怒變狀陰怪觀之不覺毛戴吳畫
 中得意處○三階院西廊下范長壽畫西方變
 及十六對事實池尤妙絕諦視之覺水入浮壁
 院門上白畫樹石頗似閣立德予携立德衍天
 祠粉本驗之無異○西中三門裏門南吳生畫
 龍及刷天王鬚筆蹟如鐵有執爐天女竊眸欲
 語○華嚴院中鍤鉅盧舍立像高六尺古樣精

巧○塔下有舍利三斗四升移塔之時僧守行
 建道場出舍利俾士庶觀之唄讚未畢滿地現
 舍利士女不敢踐之悉出寺外守公乃造小泥
 塔及木塔近十萬枚葬之今尚有數萬存焉○
 寺有小銀像六百餘軀金佛一軀長數尺大銀
 像高六尺餘古樣精巧又有篋七寶字多心經
 小屏風盛以寶函上有雜色珠及白珠駢甃亂
 目祿山亂宮人藏於此寺屏風十五牒三十行
 經後云發心主司馬恒存願成主上柱國索伏

寶息上柱國真德為法界衆生造黃金牒經善

繼疑外國物

辭吳畫連句以慘淡十堵內吳生縱狂跡風雲將

逼人鬼神如脫壁

柯古

其中龍最怪張甲方汗

栗黑夜窳宰時安知不霹靂

善繼

此際忽仙子

獵獵衣鳥奕妙瞬乍疑生參差奪人魄

夢復

往

往乘猛虎衝梁聳奇石

一作特

蒼峭束高泉角睞

警欹側

柯古

冥獄不可視毛戟腋流液苟能水

成刹那更沉火宅

善繼

語各錄禪師佳語 蘭若和尚云家家門有長安

道

柯古

荊州些些和尚云自看工夫多少

善繼

無名和尚云最後一大息須分明

夢復

題約公院四言

印火熒熒燈續焰青

善繼

七俱

昭呪四阿舍經

柯古

各錄佳語聊事素屏

夢復

丈室安居延賓不局

昇上人

河坊靈華寺大曆初僧儼講經天雨華至地咫

尺滅夜有光燭室勅改為靈華儼即康藏之

師也康本住靖恭里瓊曲忽觀光如輪衆人皆

見遂尋光至儼講經所滅○佛殿西廊立高僧
 一十六身天寶初自南內移來畫蹟拙俗○觀
 音堂在寺西北隅建中末百姓屈儼患瘡且死
 夢一菩薩摩其瘡曰我住靈華寺儼驚覺汗流
 數日而愈因詣寺尋檢至聖画堂見菩薩一如
 其觀傾城百姓瞻禮儼遂立社建堂移之○聖
 畫堂中構大枋為壁設色煥縟本邵武宗畫不
 知何以稱聖據西域記菩提樹東有精舍昔婆
 羅門兄弟欲圖如來初成佛像曠歲無人應召

忽有一人自言善畫如來妙相但要香泥及一
 燈照室可閉戶六月終怪之餘四日未滿遂開
 戶已無人矣唯右膊上工未畢蓋好事僧侈此
 說也堂中有于闐鍮鉢立像甚古○遊日記所
 說刺栢太和中伐為殿材

辭偶連句 共入夕陽寺因窺甘露門昇上人清香

惹苔蘚忍草雜蘭蓀夢夜捷偈飛箱答新詩倚

杖論古壞幡標古剎聖画煥崇垣善繼豈慕

穿籠鳥難防在嘯猿柯古一音唯一性三語更

道政坊應寺韓幹藍田人少時常為貰酒家送

酒王右丞兄弟未遇每一貰酒漫遊幹常徵債

於王右丞戲畫地為人馬右丞精思丹青奇其意

趣乃與錢二萬令學畫十餘年今寺中釋梵

天齊公妓小小等寫真也寺有韓幹畫下

生帕勒衣紫袈裟右邊仰面菩薩及二獅子

猶入神○有王家舊鐵石及齊公所喪一歲子

漆之如羅喉羅每盆供日出之寺中彌勒殿

齊公寢室也東廊北面楊岫之畫鬼神齊公嫌

其筆蹟不工故止一堵

辭僧房連句古畫思匡嶺上方疑傳巖蝶閑移

忍草蠟虎揭高杉柯古香字消芝印金經發陸

函井通松底脉書拆洞中緘善繼哭小小寫

真連句如生小小真猶自未棲塵夢復褕袂將

離壁斜門欲近入柯古昔時知出眾清寵占橫

陳善繼不遣遊張巷豈教窺宋隣夢復庾樓吹

笛裂弘閣賞歌新柯古蟬怯折腰步蛾驚半額

嘖善繼

圓形誰有術買笑詎辭貧

柯古復隴迷

村徑重

永昌漢津 夢復

同心知作羽此目定為

鱗善繼

殘月巫山夕餘霞洛浦晨

柯古

安邑坊玄

一作玄

法寺初居人張頴宅也嘗供養一

僧僧以念法華經為業積十餘年張門人譖僧

通其侍婢因以他事殺之僧死後闔宅常聞經

聲不絕張尋知其冤慙悔不及因捨宅為寺鑄

金銅像十萬軀金石龕中皆滿猶有數萬軀東

寧南觀音院盧奢那堂內槽北面壁畫維摩變

屏風上相傳有虞世南書其日善繼令徹障登

榻讀之有世南獻之白方知不謬矣○西北角

院內有懷素書顏魯公序張渭侍郎錢起郎中

讚○曼珠院東廊大曆中畫人陳子昂畫廷下

象馬人物一時之妙也及簷前額上有相觀法

法儼韓混同西廊壁有劉整畫雙松亦不循常

轍

徵內興中禽事須切對

鷺頭作嶺鷄足名山

夢復

孔雀為經鸚鵡語偈

善繼

共命是化入數論貪

柯古未解出籠豈能獻果昇上人鷄居其上鴈墮

於前柯古巢頂既安入影不怖字中疑鶴一作鶴

珠裏認鵝柯古○徵獸中事須切對 金翅鳥

王銀魚犢子柯古地名鹿苑塔號雀離善繼啐

啄同時隴候調伏昇上人○徵馬事 加諸楚毒

昇上人軋善繼馬寶夢復馱經柯古愛馬昇上人

紺馬善繼馬麥約食粳柯古鐵馬昇上人先陀和

柯古勝步昇上人遊入正路柯古

平康坊菩提佛殿東西障日及諸柱上圖書

是東廊跡舊鄭法士畫開元中因屋壞移入大

佛殿內槽北壁食堂前東壁上吳道玄畫智度

論色偈變偈是吳自題筆跡遒勁如磔鬼神毛

髮次堵畫禮骨仙人天衣飛揚滿壁風動○佛

殿內槽壁吳道玄畫消災經事樹石古嶮

元和中欲令移之慮其摧壞乃下詔擇畫手

寫進○佛殿內槽東壁維摩變舍利弗角而轉

睽元和俗講僧文淑裝之筆蹟盡矣○故興

元鄭公書題北壁僧院詩曰但慮彩色汚無

虞臂胛 寺碑陰雕飾奇巧相傳鄭法士所

起樣也初會覺上人以施利起宅十餘畝工畢

釀酒百石列餅甕於兩廡下引吳道玄觀之因

謂曰檀越為我盡以是賞之吳生嗜酒且利其

多欣然而許予以踪跡似不及景公寺盡○中

三門內東門塑神善繼云是吳生弟子王耐兒

之工也其側一鬼有靈往往百姓戲犯之者得

病口目必之○寺之制度鐘樓在東唯此寺緣

李右座 寺在東故建鐘樓於西寺內有郭

令玳瑁鞭及郭令王夫人七寶帳寺主元竟多

識釋門故事云李右座每至生日常轉請此寺

僧就宅設齋有僧乙嘗嘆佛施鞍一具賣之材

直七萬又僧廣有聲名口經數年次當嘆佛因

極祝右座功德冀獲厚贖齋畢簾下出綵篋香

羅帕籍一物如朽釘長數寸僧歸失望慙惋數

日且意大臣不容欺已遂攜至西市示於商胡

商胡見之驚曰上人安得此物必貨此不違價

僧試求百千胡人大笑曰未也更極意言之加

至五百千胡人曰此直一千萬遂與之僧訪其名曰此寶骨也○又寺先有僧不言姓名常負束藁坐臥於寺兩廊下不肯住院經數年寺綱維或勸其住房曰爾厭我耶其夕遂以束藁焚身至明唯灰燼耳無血管之臭眾方知異人遂塑灰為像今在佛殿上世號束草師

辭書事連句悉為無事者任被俗流憎夢復客

異干時客僧非出院僧柯古遠聞疎牖磬曉辨

密龕燈善繼步觸珠幡響吟窺鉢水澄夢復句

酉陽雜俎續集卷第六

寺塔記下

宣陽坊奉慈寺開元中號國夫人宅安祿山僞署白官以田乾真為京兆尹取此宅為府後為郭暖駙馬宅今上即位之初太皇太后為昇平公主追福奏置奉慈寺賜錢二十萬繡幘三車抽左街十寺僧四人居之今有僧惟則以七寶木摹阿育王舍利塔自明州負來寺成後二年司農少卿楊敬之小女年十三以六韵詩題此

寺自稱關西孔子二十七代孫字德鄰警句云

日月金輪動梅檀碧樹秋塔分鴻雁翅鐘挂鳳

皇樓事因見勅賜衣

徵釋門衣事語須對 如象鼻投牛 羊 云 耳 柯古

五納三衣 善繼 慙愧斗藪 昇上 壞衣嚴身 約上

畜長十日應作三誌 入上 雜身四寸掩手兩指

柯古 瓊形刀殘 其形如稻其色如蓮 昇上

赤麻白豆若青若黑 柯古

光宅坊光宅寺本官蒲萄園中禪師影堂師號惠

中肅宗上元二年徵至京師初居此寺徵詔云

杖錫而來京師非遠齋心已久副朕虛懷○建

中中有僧竭造曼殊堂將版基於水際慮傷生

命乃建三月道場祝一足至多足無足令他去

及掘地至泉不遇蟲蟻又以複素過水有蟲投

一井水中號護生井至今涸又鑄銅鑪為息烟

燈天下傳之今曼殊院嘗轉經每賜香寶臺甚

顯登之四極眼界其上層窗下尉遲畫下層窗

下吳道玄畫皆非其得意也丞相韋處厚曰居

內廷至相位每歸輒至此塔焚香瞻禮○普賢
堂本天后梳洗堂葡萄垂寶則幸此堂今堂中
尉遲畫頗有奇處四壁畫像及脫皮白骨匠意
極嶮又變形三魔女身若出壁又佛圓光均彩
相錯亂目成講東壁佛座前錦如斷古標又左
右梵僧及諸菩薩往背然不及西壁西壁逼之標
標然

辭中禪師影堂連句 名下固無虛教曹貌嚴毅
洞達見空王圓融入佛地 善緣 言當要害忽

忽醒諸辭不動須彌山 一云不動 如須彌 多方辨無匱

夢復 坦率對萬乘偈答無所避爾如毘沙門外

形如脫履 柯古 但以理為量不語怪力事木石

摧貢高慈悲引貪恚 昇上 當時乏支許何人契

深致隨宜詎說三直下開不二 柯古

念不生未遇乎而 柯古

事徵 柯古 高力士呼二兄 柯古 呼阿翁 善繼 呼將軍

夢復 呼火老 柯古 五輪磴 善繼 初施祭 夢復

常臥鹿床 柯古 長六尺五寸 善繼 陪葬泰陵 夢

復 詠薺 柯古 齒成印 善繼 上國下國 夢復 夢鞭

柯古 呂氏生髭 善繼

宣陽坊靜域寺本太穆皇后宅寺僧云三階院門外是神堯皇帝射孔雀處禪院門內外游日記云王昭隱画門西裏面和修吉龍王有靈門内

之西火日藥叉及北方天王甚奇猛門東裏面
 賢門也野叉部落鬼首上蟠虵汗烟可懼東廊
 樹石嶮怪高僧亦怪西廊萬壽菩薩院門裏南
 壁皇甫軫画鬼神及雕形勢若脫軫與吳道玄
 同時吳以其藝逼已募人殺之○萬菩薩堂內
 有寶塔以小金銅塔數百飾之大曆中將作劉
 監有子合手出胎七歲念法華經及卒焚之得
 舍利數十粒分藏於金銅塔中善繼云合是劉
 銘○佛殿東廊有古佛堂其地本雍村堂中

饒方外趣遊愜社中朋柯古靜裏已馴鴿齋中

亦好鷹善繼金塗筆是製彩溜紙非繒井上錫

杖已剋鍛田衣從壞膝柯古占牀慙一脅卷箔

賴長肱善繼佛日初開照魔天破幾層柯古呢

中陳秘計論處正先登善繼勇帶綻綻疑針石

危防丘并藤井上人

續集卷五
續集卷五

或謂立長瓶以

中刺鍊信備或五六登善

時長洲

林引原難田亦

亦法

像設悉是石作相傳云隋恭帝終此堂

○三門外画亦皇甫軫跡也金剛舊有靈大寶

初駙馬獨孤明宅與寺相近獨孤有婢名懷香

稚齒俊俏常悅西隣一士人因宵期于寺門有

巨蛇束之俱卒○佛殿内西座蕃神甚古質貞

元已前西蕃兩度盟皆載此神立于壇而誓相

傳當時頗有靈

辭三階院連句密密助堂堂隋人歌縻桑雙弧

摧孔雀一矢墮貪狼柯古百步望雲立九規看

西易雜俎
續集卷六
及告閣

月張獲蛟徒破浪中乙漫如墻善繼還似貫金

鼓更疑穿石梁因添挽河力為滅射天狂柯古

絕藝却南牧英聲來鬼方麗龜何足敵殪豕未

為長善繼龍臂勝猿臂星芒起箭芒虛誇絕

高島垂拱議明堂柯古

崇義坊招福寺木曰正覺國初毀之以其地立第

賜諸王睿宗在藩居之乾封二年移長寧公主

錦堂於此重建此寺寺內舊有池下永樂東街

數方土填之今地底下樹根多露長安二年內

山等身金銅像一鋪并九部樂南北兩門額上

與岐薛二王親送至寺綵樂象輿羽衛四合街

中餘香數日不歇景龍二年又賜真容坐像詔

寺中別建聖容院是玄宗在春宮真容也先天

二年勅出內庫錢二千萬巧匠一千人重脩之

○睿宗聖容院門外鬼神數壁自內移來西跡

甚異鬼所執野鷄似覺毛起庫院鬼子母貞元

中李真画往往得長史規矩把鏡者猶工○寺

西南隅僧伽像從來有靈至今百姓上幡繖不

絕先寺奴朝來者常續明塗地數十年不解李
某為尹時有賊引朝來吏將收捕奴不勝其冤
乃上鍾樓遙啓僧伽而碎身焉恍惚間見異僧
以如意擊曰無苦自將治也奴覺奴跳下數尺
地一毛不損囚聞之悔懊自服奴竟無事

辭贈諸上人連句 翻了西天偈燒餘梵宇香燃

眉愁俗客支頰背殘陽柯古 洲號唯思沃山名

祇記匠辯中摧世智定裏破魔強善繼 許獻禪

心徹湯休詩思長朗吟疎磬斷久語貫珠妨柯

古 藥興書芭葉開來入豆房漫題存古壁恠画

匠長廊善繼

事徵釋門古今謎字 爭田書貞字善繼 焉兜知

伯叔柯古 解夢羊負魚夢復 問入曰下人善繼

塔上書師子柯古 ○徵前代關釋門佳譜 何

充志大宇宙善繼 此子疲于津梁柯古 生天在

丈人後夢復 二何佞于佛善繼 問年荅小如來

五歲柯古 荅四聲云天寶寺刹夢復 菩薩頰眉

所以慈悲六道善繼 周妻何肉柯古

招國坊崇濟寺寺內有天后織成蛟

蛟志作紋

龍被襖

子及繡衣六事○東廊從南第二院有宣律師製袈裟堂曼殊堂有松數株甚奇

辭宣律和尚袈裟絕句 共覆三衣中夜寒披時

不鎮左師壇無因蓋得龍宮地畦裏塵飛業相

殘善繼○和前云南山披時寒夜中一角不動

毗嵐風何人見此生慙愧斷續猶應護得龍柯

古○奇松二十字杉桂何相疎榆柳方迥屑無

入擅談柄一枝不敢折柯古半庭苔蘚深吹餘

鳴佛禽至于摧折枝凡草猶避陰善繼僻徑根

從露閑房枝任侵一株風正好來助碧雲吟夢

復時時掃窗聲重露滴寒砌風颭一枝適閉窺

別生勢井上偃蓋入樓妨盤根侵井窄高僧獨

惆悵為與澄嵐隔柯古

永安坊永壽寺三門東吳道子画似不得意佛殿

名會仙本是內中梳洗殿貞元中有証智禪師

往往著靈驗或時在張積蘭若中治田及夜歸

寺若在金山界相去七百里

辭閑中好 閑中好盡日松為侶此趣人不知輕

風度僧語 夢復 閑中好塵務不縈心坐對當窗

木看移三面陰 柯古 閑中好幽磬度聲遲卷上

論題肇畫中僧姓支 善繼

崇仁 一作聖 坊資聖寺淨土院門外相傳吳生一夕

秉燭醉畫就中戰手視之惡駭院門裏盧楞伽

畫盧常學吳勢吳亦授以手訣乃畫總持三門

寺方半吳大賞之謂人曰楞伽不得心訣用思

太苦其能久乎畫畢而卒○中門窗間吳道子

畫高僧韋述贊李嚴書中三門外兩面上層不

知何人畫人物頗類閻令○寺西廊北隅楊坦

畫近塔天女明睇將瞬○圍塔院北堂有鐵觀

音高三丈餘觀音院兩廊四十二賢聖韓幹畫

元中書載贊東廊北頭散馬不意見者如將嘶

蹠聖僧中龍樹商邨和修絕妙圍塔上菩薩李

異 一作真 畫四面花鳥邊鸞畫當藥上菩薩頂菽

葵尤佳○塔中藏千部法華經

辭諸畫連句 柏梁體 吳生畫勇矛戟攢 柯古

出奇變勢千萬端

一作出奇騁變勢萬端○善繼

蒼蒼鬼怪層

壁寬

夢復

觀之忽忽毛髮寒

柯古

稜伽之力所

疹癥

一作所痺柯古

李真周昉優劣難

夢復

活禽生

卉推邊鸞

柯古

花房嫩彩猶未乾

善繼

韓幹變

態如激湍

夢復

惜哉壁画勢未殫

柯古

後人新

画何汗漫

善繼

楚國寺寺內有楚哀王等身金銅像哀王繡襖半

袖猶在長慶中賜織成雙鳳夾黃襖于鎮在寺

中門內有放生池

太和中賜白氎黃胯衫

寺墻西朱泚宅

事徵

地獄等活

約上人

入抹洛伽

義上人

波吒

昇上人

壞從獄不生

柯古

鈇河

約上人

劒林

義上人

烱銅

昇上人

人諸上人以予該悉內典請予獨徵無中陰五

無間黑繩赤樹火厚二百肘風吹二千年隍陀

羅炭鉢頭摩赫護量五十由旬舌長三車餘銅

鷲鐵蟻阿鼻十一義九千鉢頭摩如一裘訶麻

百年除一盡

並柯古

慈恩寺寺本淨覺故伽藍因而營建焉凡十餘院

總一千八百九十七間勅度三百僧初三藏自西域回詔太常卿江夏王道宗設九部樂迎經像入寺綵車凡千餘輛上御安福門觀之太宗常賜三藏衲約直百餘金其工無鍼紼之迹初三藏翻因明譯經僧栖玄以論示尚藥奉御呂才才遂張之廣衢指其長短著破義圖其序云豈謂象繫之表猶開八正之門形器之先更弘二知之教立難四十餘條詔才就寺對論三藏謂才云檀越平生未見太玄詔問須臾即解由來不窺象戲試造旬日即成以此有限之心逢事即欲穿鑿因重申所難一一收攝杅毫藏耳袞袞不窮凡數千言才不能領辭屈禮拜○塔西面画濕耳師子仰攀蟠龍尉遲画及花子鉢曼殊皆一時絕妙○寺中柿樹白牡丹是法力上人手植上人時常執爐循諸屋壁有變相處輒獻虔祝年無虛月又殿庭大莎羅樹大曆中安西所進其木椿賜此寺四榷榷皆灼固其木大德行逢自種之一株不活

西陽雜俎續集卷第六

西陽雜俎續集卷第七

金剛經鳩異

貞元十七年先君自荆入蜀應韋南康辟命泊草
之暮年爲賊闢讒構遂攝尉靈池縣韋尋薨賊
闢知留後先君舊與闢不合聞之連夜離縣至
城東門闢尋有帖不令諸縣官離縣其夕陰風
及返出郭二里見火兩炬夾道百步爲導初意
縣吏迎候且怪其不前高下遠近不差欲及縣
郭方滅及問縣吏尚未知府帖也時先君念金

剛經已五六年數無虛日信乎至誠必感有感必應向之導火乃經所著迹也後關逆節漸露詔以袁公滋爲節度使成式再從叔少從軍知左營事懼及禍與監軍定計以蠟丸帛書通謀于袁事旋發悉爲魚肉賊謂先君知其謀于一時先君念經夜久不覺困寐門戶悉閉忽覺聞開戶而入言不畏者再三若物投案曝然有聲驚起之際言猶在耳顧視左右吏僕皆睡俾燭燁四索初無所見向之關扃已開闢矣先君受持此經十餘萬遍徵應事孔著成式近觀晉宋已來時人咸著傳記彰明其事又先命受持講解有唐已來金剛經靈驗記三卷成式當奉先命受持講解太和二年于揚州僧栖簡處聽平消御注一遍六年於荊州僧靖奢處聽大雲疏一遍開成元年于上都懷楚法師處聽青龍疏一遍復日念書寫猶希傳照罔極盡形流通撫拾遺逸以備闕佛事號金剛經鳩異

張鎰相公先君齊丘酷信釋氏每旦更新衣執經

於像前念金剛經十五遍積數十年不懈永泰
初爲朔方節度使衙內有小將負罪懼事露乃
扇動軍人數百定謀反叛齊丘因衙退于小廳
閑行忽有兵數十露刃走入齊丘左右唯奴僕
遽奔宅門過小廳數步廻顧又無人疑是鬼物
將及門其妻女奴婢復叫呼出門云有兩甲士
身出廳屋上時衙隊軍健聞變持兵亂入至小
廳前見十餘人屹然庭中垂手張口投兵於地
衆遂擒縛五六人瘖不能言餘者具首云欲上
廳忽見二甲士長數丈噴目叱之初如中惡齊
丘聞之因斷酒肉張鳳翔卽予門吏盧邁親姨
夫邁語予云

劉逸淮在汴時韓弘爲右廂虞候王某爲左廂虞
候與弘相善或謂二人取軍情將不利於劉劉
大怒俱召詰之弘卽劉之甥因控地碎首大言
劉意稍解王某年老股戰不能自辯劉叱令拉
坐杖三十時新造赤棒頭徑數寸固以筋漆拉
之不仆數五六當死矣韓意其必死及昏造其

家怪無哭聲又謂其懼不敢哭訪其門卒卽云
大使無恙弘素與熟遂至卧内問之王云我讀
金剛經四十年矣今方得力言初被坐時見巨
手如簸箕翕然遮背因袒示韓都無撻痕韓舊
不好釋氏由此始與僧往來日自寫十紙乃積
計數百軸矣後在中書盛暑有諫官因事謁見
韓方洽汗寫經怪問之韓乃具道王某事予職
在集仙常侍柳公爲予說

梁崇義在襄州未阻兵時有小將孫咸暴卒信宿
却蘇夢至一處如王者所居儀衛甚嚴有吏引
與一僧對事僧法號懷秀亡已經年在生極犯
戒及入冥無善可錄乃給云我常囑孫咸寫法
華經故咸被追對咸初不省僧故執之經時不
決忽見沙門曰地藏尊者語云弟子若招承亦
自獲祐咸乃依言因得無事又說對勘時見一
戎王衛者數百自外來冥王降階齊級升殿坐
未久乃大風捲去又見一人被拷覆罪福此人
常持金剛經又好食肉左邊有經數千軸右邊

積肉成山以肉多將入重論俄經堆中有火一
星飛向肉山頃刻銷盡此人遂履空而去咸問
地藏向來外國王風吹何處地藏云彼王當入
無間向來風卽業風也因引咸看地獄及門烟
焰扇赫聲若風雷懼不敢視臨回鑊湯跳沫滴
落左股痛入心髓地藏乃令一吏送歸不許漏
洩冥事及廻如夢妻兒環泣已一日矣遂破家
寫經因請出家夢中所滴處成瘡終身不差
貞元中荊州天崇寺僧智燈常持金剛經遇疾死
弟子啓手足猶熱不卽入木經七日却活云初
見冥中若王者以念經故合掌降階因問訊言
更容上人十年在世勉出生死又問人間衆僧
中後食薏苡仁及藥食此大違本教燈報云律
中有開遮條如何云此後人加之非佛意也今
荊州僧衆中後無飲藥者
公安潺陵林百姓王從貴妹未嫁常持金剛經貞
元中忽暴疾卒埋已三日其家復墓聞塚中呻
吟遂發視之果有氣輿婦數日能言云初至冥

間冥吏以持經功德放還王從貴能治木常於
公安靈化寺起造其寺禪師曙中常見從貴說
韋南康鎮蜀時有左營伍伯於西山行營與同火
卒學念金剛經性頑初一日纔得題目其夜堡
外拾薪爲蕃騎縛去行百餘里乃止天未明遂
踣之于地以髮繫擲覆以鼈一作鼈一作寢其上此
人惟念經題忽見金一鋌放光止于前試舉首
動身所縛悉脫遂潛起逐金鋌走計行未得十
餘里遲明不覺已至家家在府東市妻兒初疑
其鬼具陳來由到家五六日行營將乃申其逃
初韋不信以逃日與至家日不差始凡之

元和初漢州孔目典陳昭因患見一人著黃衣至
床前云趙判官喚爾昭問所因云至自冥間劉
闢與竇懸對事要君爲證昭卽留坐逡巡又有
一人手持一物如毬胞前吏怪其遲荅之曰緣
此候屠行開因笑謂昭曰君勿懼取生氣須
得猪胞君可面東側臥昭依其言不覺已隨二
吏行路甚平可十餘里至一城大如府城甲士

守門焉及入見一人怒容可駭卽趙判官也語云劉闢收東川竇懸捕牛四十七頭送梓州稱准關判殺闢又云先無牒君爲孔目典合知是實未及對隔壁聞竇懸呼陳昭好在及問兄弟妻子存亡昭卽欲參見冥吏云竇使君形容極惡不欲相見昭乃具說殺牛實奉劉尚書委曲非牒也紙是麻面見在漢州某司房架卽令吏領昭至漢州取之門館扃鎖乃於節竅中出入委曲至闢乃無言趙語昭爾自有一過知否竇懸所殺牛爾取一牛頭昭未及對趙曰此不同人間不可抵假須臾見一卒挈牛頭而至昭卽恐懼求救趙令檢格合決一百考五十日因謂昭曰爾有何功德昭卽自陳設若干人齋畫某像趙云此來生緣爾昭又言曾於表兄家轉金剛經趙曰可合掌請昭依言有頃見黃幘箱經自天而下住昭前昭取視卽表兄所借本也有燒處尚在又令合掌其經卽滅趙曰此足以免便放廻復令昭往一司曰生祿檢其修短吏報

云昭本名釗是金榜刀至某年改爲昭更得十八年昭聞惆悵趙笑曰十八年大得作樂事何不悅乎乃令吏送昭至半道見一馬當路吏云此爾本屬可乘此卽騎乃活死已一日半矣

荊州法性寺僧惟恭三十餘年念金剛經日五十遍不拘僧儀好酒多是非爲衆僧所惡後遇疾且死同寺有僧靈歸其迹類惟恭爲一寺二害因他故出去寺一里逢五六人年少甚都衣服鮮潔各執樂器如龜茲部同靈歸惟恭上人何在靈歸卽語其處疑其寺中有供也及晚迴入寺聞鍾聲惟恭已死因說向來所見其日合寺聞絲竹聲竟無樂人入寺當時名僧云惟恭蓋承經之力生不動國亦以其跡勉靈歸也靈歸感悟折節緇門

董進朝元和中入軍初在軍時宿直城東樓上一夕月明忽見四人著黃從東來聚立城下說已姓名狀若追捕因相語曰董進朝常持金剛經以一分功德祝庇冥司我輩久蒙其惠如何殺

之須枉命相代若此人他去我等無所賴矣其
一人云董進朝對門有一人同姓同年壽限相
將可以代矣因忽不見進朝驚異之及明已聞
對門復魂聲問其故死者父母云子昨宵暴卒
進朝感泣說之因爲殯葬供養其父母焉後出
家法號慧通住興元唐安寺

元和中嚴司空綬在江陵時涪陽鎮將王沔常持
金剛經因使歸州勘事迴至陀灘船破五人同
溺沔初入水若有人授竹一竿隨波出沒至下
牢鎮著岸不死視手中物乃授持金剛經也陀
灘至下牢三百餘里

長慶初荊州公安僧會宗姓蔡常中疊得病骨立
乃發願念金剛經以待盡至五十遍晝夢有人
令開口喉中引出髮十餘莖夜又夢吐大蟻長
一時餘因此遂愈荆山僧行堅見其事

江陵開元寺般若院僧法正日持金剛經三七遍
長慶初得病卒至冥司見若王者問師生平作
何功德荅曰常念金剛經乃揖上殿令登繡坐

念經七遍侍衛悉合掌階下拷掠論對皆停息而聽念畢後遣一吏引還王下階送云上人更得三十年在人間勿廢讀誦因隨吏行數十里至一大坑吏因臨坑自後推之若墮空焉死已七日唯面不冷法正今尚在年八十餘荊州僧常靖親見其事

石首縣有沙彌道蔭常持念金剛經寶歷初

一云長慶

因他出夜歸中路忽遇虎吼擲而前沙彌知不免乃閉目而坐但默念經心期救護虎遂伏草守之及曙村人來往虎乃去視其蹲處涎流於地

元和三年賊李同捷阻兵滄景帝命劉祐統齊德軍討之初圍德州城城堅不拔翌日又攻之自卯至未十傷八九竟不能拔時有齊州衙內八將官健兒王忠幹博野人常念金剛經積二十餘年日數不闕其日忠幹上飛梯將及堞身中箭如蝟爲欄木擊落同太卒曳出羊馬城外置之水濠裏岸祐以暮夜命抽軍其時城下矢落

如雨同火人念忙忘取忠幹屍忠幹既死夢至
荒野遇大河欲渡無因仰天大哭忽聞人語聲
忠幹見一人長丈餘疑其神人因求指營路其
人云爾莫怕我令爾得渡此河忠幹拜之頭低
未舉神人把腰擲之空中久方著地忽如夢覺
聞賊城上交二更初不記過水亦不知瘡擡手
捫面血塗眉睫方知傷損乃舉身強行百餘步
却倒復見向人持刀叱曰起起忠幹驚懼遂走
一里餘坐歇方聞本軍喝號聲遂及本營訪同
火卒方知身死在水濠裏卽夢中所過河也忠

幹兄在齊德軍

何軫鬻販爲業妻劉氏少斷酒肉常持金剛經先
焚香像前願年止四十五臨終心不亂先知死
日至太和四年冬四十五矣悉捨資裝供僧欲
入歲假遍別親故何軫以爲病魅不信至歲除
日請僧受八關沐浴易衣獨處一室跌坐高聲
念經及辨色情然兒女排室入看之已卒頂熱
灼手軫以僧禮葬塔在荊州北郭

蜀左營卒王殷常讀金剛經不如葷飲酒爲賞設
庫子前後爲人誤累合死者數四皆非意得免
至太和四年郭釗司空鎮蜀郭性嚴急小不如
意皆死王殷因早錦纈郭嫌其惡弱令袒背將
斃之郭有番狗隨郭卧起非使宅人逢之輒噬
忽吠數聲立抱王殷背駢逐不去郭異之怒遂
解

郭司空離蜀之年有百姓趙安常念金剛經因行
野外見衣一襖遺墓側安以無主遂持還至家
言于妻子隣人卽告官趙盜物捕送縣賊曹怒
其不承認以大關挾脛折三段後令杖脊杖下
輒折吏意其有他術問之唯念金剛經及申郭
郭亦異之判放及歸其妻云某日聞君經函中
震裂數聲懼不敢發安乃馳視之帶斷軸折紙
盡破裂安今見在

太和五年漢州什邡縣百姓王翰常在市日逐小
利忽暴卒經三日却活云冥中有十六人同被
追十五人散配他處翰獨至一司見一青衫少

年稱是已侄爲冥官廳子遂引見推典又云是已兄貌皆不相類其兄語云有冤牛一頭訴爾燒畚枉燒殺之爾又曾賣竹與殺狗人作筓篲殺狗兩頭狗亦訴爾爾今名未係死籍猶可以免爲作何功德翰欲爲設齋及寫法華經金光明經皆曰不可乃請曰持金剛經日七遍與之其兄喜口足矣及活遂捨業出家今在什邡縣太和七年冬給事中李公石爲太原行軍司馬孔口官高涉因宿使院至鼙鼙鼓起時詣隣房忽遇一人長六尺餘呼曰行軍喚爾涉遂行行稍遲其人自後拓之不覺向北約行數十里至野外漸入一谷底後上一山至頂四望邑屋盡眼下至一曹司所追者呼云追高涉到其中人多衣朱綠當案者似崔行信郎中判云付司對復引出至一處數百人露坐與猪羊雜處領至一人前乃涉妹婿杜則也逆謂涉曰君初得書手時作新人局遣某買羊四口記得否今被相債備嘗苦毒涉遽云爾時祇使市肉非羊也則遂

無言因見羊人立齧則逡巡被領他去倏忽又
見一處露架方梁梁上釘大鐵環有數百人皆
持刀以繩繫人頭牽入環中剗剔之涉懼走出
但念金剛經倏忽逢舊相識楊演云李尚書時
杖殺賊李英道爲劫賊事已于諸處受生三十
年今却訴前事君常記得無涉辭以年幼不省
又遇舊典段怡先與涉爲義兄弟逢涉云先念
金剛經莫廢忘否向來所見未是極苦處勉樹
善業今得還乃經之力因送至家如夢死已經
宿向拓處數日青腫

永泰初豐州烽子暮出爲党項縛入西蕃易馬蕃
將令穴肩骨貫以皮索以馬數百蹄配之經半
歲馬息一倍蕃將賞以羊草數百因轉近牙帳
贊普子愛其了事遂令執燾左右有剗肉餘酪
與之又居半年因與酪肉悲泣不食贊普問之
云有老判頻夜夢見贊普頗仁聞之悵然夜召
帳中語云蕃法嚴無放還例我與爾馬有力者
兩疋於某道縱爾歸無言我也烽子得馬極騁

俱乏死遂晝潛夜走數日後爲刺傷足倒磧中
忽有風吹物窸窣過其前因攬之裹足有頃不
復痛試起步走如故經信宿方及豐州界歸家
母尚存悲喜曰自失爾我唯念金剛經寢食不
廢以祈見爾今果其誓因取經拜之縫斷亡數
幅不知其由子因道磧中傷足事母令解足視
之所裹瘡物乃數幅經也其瘡亦愈

大曆中太原偷馬賊誣一王孝廉同情拷掠旬日
苦極強首推吏疑其寃未卽具獄其人惟念金
剛經其聲哀切晝夜不息忽一日有竹兩節墜
獄中轉至于前他囚爭取之獄卒意藏以破視
內有字兩行云法尚應捨何況非法書蹟甚工
賊首悲悔具承以匿嫌誣之

時之此遂晝潛夜走數日後為刺傷足倒積中
忽有風吹物寒穿過其前因攬之裹足有頃不
復痛試起步走如故經信宿方及豐州界歸家
母尚存悲喜曰自失爾我唯念金剛經寢食不
廢以祈見爾今果其誓因取經拜之縫斷亡數
頰首悲謝具承以盟漱齋之足事母令解足頰
內育字兩行云去尚飄斜可成非哉書翻其上
獄中轉至于前此囚畢罪之獄卒意憐以如願
一網盡其輩京時晝齋不息感一日亦竹兩酒

西陽雜俎續集卷第八

支動

北海有木兔類鰕鶯

鼠食鹽則身輕

烏賊魚骨如通草可以刻為戲物

章舉每月三八則多

蝦姑狀若蜈蚣管蝦

南海有水族前左脚長前右脚短口在脇傍背上
常以左脚捉物寘于右脚右脚中有齒嚼之方

內于口大三尺餘其聲木木南人呼爲海木

獵者不殺豺以財爲同聲又南方惡豺向人作

聲

衛公幼時常於明州見一水族有兩足觜似雞身

如魚

衛公年十一過瞿塘波中覩一物狀如嬰兒有翼

翼如鸚鵡公知其怪卽時不言晚風大起方說

句容赤沙湖食朱砂鯉帶微滋味極美

貢朱魚亦絕美每鱗一點朱

向北有濮固羊大而美

丙穴魚食乳水食之甚溫

蜃身一半已下鱗盡逆

太和七年河陰忽有蠅蔽天如蝗止三日河陽界

經旬方散有李肇時爲尉向予三從兄說

南中瑇瑁斑點盡模糊唯振州瑇瑁如船上者嘗

見衛公先白書上作此疇疇字

衛公言鵝警鬼鷓鴣厭火孔雀辟惡

洪州有牛尾狸肉甚美

威遠軍子將臧平者好鬪雞高于常雞數寸無敢敵者威遠監軍與物十足強買之因寒食乃進十宅諸王皆好鬪雞此雞几敵十數猶擅場怙氣穆宗大悅因賜威遠監軍帛百疋主雞者想其蹠距奏曰此雞實有第長趾善鳴前歲賣之河北軍將獲錢二百萬

韋絢云巴州兔作狸班

凡鷲鳥雄小雌大庶鳥皆雄大雌小

予同院字文獻云吉州有異蟲長三寸餘六足見

蚓必齧爲兩段纔斷各化爲異蟲相似無別

又有赤腰蜂養子於蜘蛛腹下

鯀鯁魚肝與子俱毒食此魚必食艾艾能已其毒

江淮人食此魚必和艾

夔州刺史李貽孫云嘗見木枝化爲蚓

道書以鯉魚多爲龍故不欲食非緣反藥庶子張

文規又曰醫方中畏食鯉魚謂若魚中猪肉也

衛公画得峽中異蝶翅闊四寸餘深褐色每翅上

有二金眼

公又說道書中言麀鹿無魂故可食

予幼時嘗見說郎巾謂狼之筋也武宗四年官市

郎巾予夜會客悉不知郎巾何物亦有疑是狼

筋者坐老僧泰賢云涇帥段祐宅在招國坊嘗

失銀器十餘事貧道時為沙彌每隨師出入段

公宅段因貧道以錢一千詣西市賈胡求郎

巾出至修竹南街金吾鋪偶問官健朱秀秀曰

甚易得但人不識耳遂于古培摘出三枚如巨

蟲兩頭光帶黃色祐得即令集奴婢環庭炙之

蟲慄蠕動有一女奴臉唇動詰之果竊器而

欲逃者

象管環王國野成羣一牡管扎三十餘扎牙纜

二尺迭供牡有水草卧則環守扎象死共空地

埋之號乳移時方散又國人養馴可令代樵

熊膽春在首夏在腹秋在左足冬在右足

南安蠻江蛇至五六月有巨蛇泛江岸首如張帽

萬萬蛇隨之入越王城

野牛高丈餘其頭似鹿其角丫戾長一丈白毛尾

似鹿出西域

潛牛勾漏縣大江中有潛牛形似水牛每上岸鬪角軟還入江水角堅復出

貓日睛算圓及十豎斂如綫其鼻端常冷唯夏至

一日煖其毛不容蚤虱黑者閩中逆循其毛卽

若火星俗言貓洗面過耳則客至楚州謝陽出

貓有褐花者武紅叱撥及青驄色者貓一名

蒙貴一名烏貝平陵城古譚國也城中有一貓

常帶金鎖有飛若蛺蝶士人往往見之

鼠舊說鼠

精一滴成鼠一說鼠母頭脚似

鼠尾蒼口銳大如水中者性畏狗溺一滴成一

鼠時鼠災多起於鼠母鼠母所至虎動成萬萬

鼠其肉極美凡鼠食死人目睛則為鼠王俗云

鼠齧上服有喜凡齧衣欲得有益無益凶

千歲燕齊魯之間謂燕為乙作巢避戊巳玄中記

云千歲之燕戶北向述異要云五百歲燕生胡

鬣

鷓鴣飛數逐月如正月一飛而止于窠中不復起

矣十二月十二起最難採南人設網取之

鵲窠鵲構窠取在樹杪枝不取墮地者又纏枝受

卵端午日午時焚其窠炎病者疾立愈

勾足鸚鵡交時以足相勾促鳴鼓翼如鬪狀往往

墮地俗取其勾足為媚藥

壁鏡一日江楓亭會眾說單方成式記治壁鏡用

白礬重訪許石用桑柴灰汁三度沸取汁白礬

為膏塗瘡即差兼治蛇毒自商鄧襄州多壁

鏡毒人必死坐客或云已年不宜殺蛇

大蝟安邑縣北門縣人云有一蝟如琵琶大每出

來不毒人人猶是恐其靈積年矣

紅蝙蝠劉君云南中紅蕉花時有紅蝙蝠集花中

人呼為紅蝙蝠

似蟬而狀稍大其味辛可食每生子必依艸

葉大如蠶子人將子歸其母亦飛來不以近遠

其母必知處然後各致小子巾埋東行陰墻

下三日開之即以母血塗之如前每市物先用

卽子歸母用母者卽母歸子如此輪還不知

一 休息若買金銀珍寶即錢不還青蚨一名魚伯

寄居之蟲如螺而有脚形似蜘蛛本無殼入空螺

殼中載以行觸之縮足如螺閉戶也火炙之乃

出走始知其寄居也

一 今謂之蠮螋也其為物純雄無雌不交不產

桑蟲之子祝之則皆化為已子蜂亦如此耳

東南海中有祖州鯽魚出焉長八尺食之宜

而避風此魚狀即與江河小鯽魚相類耳濤

有青林湖鯽魚大者二尺餘小者滿尺食之

肥美亦可止寒熱也

黃魴魚色黃無鱗頭尖身似大柵葉口在頷下眼

後有耳竅通於腦尾長一尺末三刺甚毒魚音

螃螿傍海大魚脊上有石十二時一名籬頭溺一

名螃螿其溺甚毒

鄆縣侯生者於漚麻池側得鱣魚大可尺圍烹而

食之髮白復黑齒落更生自此輕健

劍魚海魚千歲為劍魚一名琵琶魚形似琵琶而

喜鳴因以為名虎魚老則為蛟江中小魚化為

蝗而食五穀者百歲為鼠

金驢晉僧朗住金榆山及卒所乘驢上山失之時

有人見者乃令驢矣樵者往往聽其鳴響土人

言金驢一鳴天下太平

聖龜福州貞元末有村人賣一籠龜其數十三販

藥人徐仲以五錢獲之村人云此聖龜不可殺

徐置庭中一龜藉龜而行八龜為導悉大六寸

黃徐遂放於乾元寺後林中一夕而失

運糧驢西域厭達國有寺戶以數頭驢運糧上山

無人驅逐自能往返寅發午至不差晷刻

鄧州卜者有書生住鄧州嘗遊郡南數月不返其

家詣卜者占卜者視卦曰甚異吾未能了可

重視祝畢拂改灼復曰君所卜行人兆中如

病非病如死非死逾年自至矣果半年書生歸

云遊某山深洞入值物蟄如中疾四支不能動

昏昏若半醉見一物自明入穴中却返良久又

至直附身引頸臨口鼻細視之乃巨龜也十息

頃方去書生酌其時日其家卜吉時焉

五時雞影鵝池北有鳴琴苑伺夜雞鳴隨鼓節而
鳴從夜至曉一更爲一聲五更爲五聲亦曰五

時雞

鷓鴣似雌雉飛但南不向北楊孚交州異物志云
鳥像雌雉名鷓鴣其志懷南不向北祖

蝟見虎則跌入虎耳

鷓子兩翅各有複翎左名撩風右名掠草帶兩翎

出獵必多獲

世俗相傳云鷓不

泉及井水惟遇雨濡翻方得

飲

二十一年富平縣產一角神羊肉角當頂白

上捧議者以爲獬豸

獬豸

見闢不直者觸之窮奇見闢不直者照之均

是獸也其好惡不同故君子以獬廌爲冠小人

以窮奇爲名

鼠膽在肝活取則有

西陽

續集卷第八

西陽雜俎續集卷第九

文植上

衛公平泉莊有黃辛夷紫丁香

都勝花紫色兩重心數葉卷上如盤朶藥黃葉細

那提槿花紫色兩重葉外重葉卷心心中抽莖高

寸餘葉端分五瓣如帶瓣中紫藥莖上黃葉

月桂葉如桂花淺黃色四瓣青藥花盛發如柿葉

帶稜出蔣山

溪蓀如高粱薑生水中出荊山

山茶似海石榴出桂州蜀地亦有

貞桐枝端抽赤黃條條復旁對分三層花大如落

蘇花作黃色一莖上有五六十朵

俱那衛葉如竹三莖一層莖端分條如貞桐花小

類木柵出桂州

瘴川花差類海榴五朵簇生葉狹長重沓承于花

底色中第一蜀色不能及出黎州按轡嶺

木蓮花葉似辛夷花類蓮花色相傍出忠州鳴玉

溪邛州亦有

牡桂葉大如苦竹葉葉中一脈如筆跡花帶葉三

瓣瓣端分爲兩岐其表色淺黃近岐淺紅色花

六瓣色白心凸起如荔枝其色紫出婺州山中

簇蝶花花爲朵其簇一藥藥如蒲房色如退紅出

溫州

山桂葉如麻細花紫色黃葉簇生如慎火草出丹

陽山中

那伽花狀如三春無葉花色白黃六瓣出船上

南安有人子藤紅色在蔓端有細其子如人狀崑

益燒之集象南中亦難得

三賴草如金色生于高崖老子弩射之魅藥中最

切

衛公言桂花三月開黃而不自去庾詩皆稱桂花

耐日又張曲江詩桂花秋皎潔妄矣

木中根固柿為最俗謂之柿盤

曹州及揚州淮口出夏梨

衛公言滑州櫻桃十二枚長一尺

葦絢云湖南有靈壽花數帶簇觀視一日如櫛

紅色春秋皆發非作杖者

又言衡山祝融峯下法華寺有石榴花如櫛紅花

春秋皆

衛公又言衡山舊無棘彌境草木無有傷者曾錄

知江南地本無棘潤州倉庫或要固墻隙植薔

薇枝而已

衛公言有蜀花鳥圖草花有金粟石闕水禮獨角

將軍藥管石闕葉甚奇根似椶葉大凡木脉皆

一春唯桂葉三春近見菝葜亦三春

蓴根羹之絕美江東謂之蓴龜亦三春

王晏言蘿蓄

一日

根莖並生熟俱涼大凡木類皆

重臺朱槿似桑南中呼為桑槿

金松葉似麥門冬葉中一縷如金縷出浙東台州

猶多

衛公言翹訖草鼓如鼓及難果能菜

江淮有孟娘菜並益肉食

又青州防風子可亂畢撥

又太原晉祠冬有水底蘋不死食之甚美

衛公言蜀中石竹有碧花

又言貞元中牡丹已貴柳渾善言近來無奈牡丹

何數十千錢買一顆今朝始得分明見也共戎

葵校幾多成式又嘗見衛公圖中有馮紹正雞

圖當時已画牡丹矣

衛公莊上舊有同心蒂木芙蓉

衛公言金錢花損眼

紫薇北人呼為猴郎達樹謂其無皮猿不能捷也

北地其樹絕大有環數夫臂者

衛公言石榴甜者謂之天漿能已乳石毒

東都勝境有三溪今張文規莊近溪有石竹一竿

生瘦今大如李

麻黃莖端開花花小而黃簇生子如覆盆子可食

至冬枯死如草及春却青

太常博士崔頌云汝西有練溪多異栢及暮秋葉

上斂俗呼合掌栢

洛中鬻花木者言嵩山深處有碧花玫瑰而今在

矣

崔頌又言常盧潘云衡山石名懷

三色石栢花衡山石栢花有紫碧白三色花大如

牡丹亦有無花者

衛公言二鬣松與孔雀松別又云欲松不長以石

抵其直下根便不必千年方偃

東都敦化坊百姓家太和中有水蘭一樹色深紅

後桂州觀察使李勃看宅人以五千買之宅在

水北經年花紫色

處士鄭又玄云閩中多佛桑樹樹枝葉如桑唯條

上勾花房如桐花舍長一寸餘似重臺狀花亦有淺紅者

獨桓樹頓丘南應足山有之山上有一樹高十餘丈皮青滑似流碧枝幹上聳子若五綵囊葉如亡子鏡世名之仙人獨桓樹

木龍樹徐之高冢城南有木龍寺寺有三層磚塔高丈餘塔側生一大樹縈繞至塔頂枝幹交橫上平容十餘人坐枝杪四向下垂如百子帳莫有識此木者僧呼爲龍木梁武曾遣人圖寫焉

魚甲松洛中有魚甲松

魚甲林谷中育魚甲林

西陽雜俎卷之三魚甲林出岷州樹葉似桑葉背有酸大

木支植下州可以為藥

青楊木出岷中為床臥之無毒

夏州槐夏州唯一郵有槐樹蘇州或要葉行

牒求之牒北齊木二於無於效於木於

蜀管木蜀中有木類柞衆木禁時枯枿隆冬方萌

茅布陰蜀人呼為楷木收斂又百於木於

古文柱齊建元二年夏廬陵長溪水衝擊山麓崩

長六七尺下得柱千餘根皆十圍長者一丈短

者八九尺頭題古文字不可識江淹以問王儉
儉云江東不閑隸書秦漢時柱也

色綾木臺山有色綾木理如綾文百姓取為枕呼

為色綾枕

鹿木武陵郡北有鹿木二株馬伏波所種木多節

倒生木此木依山生根在上有人觸則葉翕人去

則葉舒出東海

黝木節似蟲獸可以為鞭

桄榔樹古南海縣有桄榔樹峯頭生葉有麵大者

出麵百斛以牛乳噉之甚美

怪松南康有怪松從前刺史令画工寫松必數枝

衰悴後因一客與妓環飲其下經日松死

河泊下材中宿縣山下有神宇漆水至此沸騰鼓

怒槎木汎至此淪沒竟無出者世人以為河泊

下材

交讓木武陵郡記白雉山有木名交讓眾木敷榮

後方萌芽亦更歲迭榮也

三枝槐相國李石河中永樂右宅庭槐一本抽三

枝直過堂前屋脊一枝不及相國同堂兄弟三人曰石曰程皆登第宰執咄福一人歷七鎮使相而已

無患木燒之極香辟惡氣一名噤婁一名桓昔有神巫曰瑤肥能符劾百鬼擒魘魅以無患木擊殺之世人競取此木為器用却鬼因曰無患木醋心樹杜師仁常賃居庭有巨杏樹隣居老人每擔水至樹側必嘆曰此樹可惜杜詰之老人云其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

其母知木病此樹有疾其詰乃診樹一處曰

異木花衛公嘗獲異木一林在化紫于思木中一

紫發花唯水關

王母桃洛時年六月有之生日始熟形如栝蓏

俗語曰王母桃三月三日食之延年益壽

胡榛子阿日生古稱五月五日食之

一榛子二年三食

橄欖子獨根極其可食曰木

東荒栗東方流中有木名曰栗

或刺長丈餘實連三尺

氣而潤

猴栗李衛公一夕甘子園會客盤中有猴栗無味

陳堅處士云虔州南有漸栗形如素核

儋岬芥芥高者五六尺子大如雞卵

儋岬瓠儋岬種瓠成實率皆石餘

童子寺竹衛公言北都惟童子寺有竹一窠纔長

數尺相傳其寺網維每日報竹平安

石桂芝生山石穴中似桂樹而實石也高大如絞

尺光明而味辛有枝條搗服之一觔得千歲也

石髮張乘言南中水底有草如石髮每月三四日

始生至八九日已後可採及月盡悉爛似隨月

盛衰也

席箕一名塞蘆生北胡地古云千里席箕草

宋州莆田縣破岡山武宗二年巨石上生菌大如

合簣菴及蓋黃白色其下必紅盡為過僧所食

云美倍諸藥

大食勿斯離國石溜壘在六廬

南中雜俎

終

